

DISSERTATIO  
MEDICA INAUGURALIS

DE

BYZANTINA VARIOLARUM  
INSITIOE.

QUAM,  
ANNUENTE DEO TER OPT. MAX.

*Ex Auctoritate Magnifici Rectoris,*

D. HERMANNI OOSTERDYK SCHACHT,  
A. L. M. PHIL. ET MED. DOCTORIS, HUIUSQUE  
THEOR. ET PRACT. PROFESSORIS  
ORDINARIJ,

NEC NON

*Amplissimi SENATUS ACADEMICI Consensu, & Nobilissime*

*FACULTATIS MEDICÆ Decreto,*

PRO GRADU DOCTORATUS,

Summisque in MEDICINA Honoribus & Privilegiis  
ritè ac legitimè consequendis,

*Publico ac Solemni Exāmini submittit*

ANTONIUS LE DUC, Constantinopolitanus.

*Ad diem 29. Julii. 1722. hora locoque solitis.*

---

*Frustrà vitium vitaveris illud,*

*Si te aliò pravum detorseris.*

Q. Horat. Flac. Satyr. lib. 2.

---

LUGDUNI BATAVORUM,

Apud JOHANNEM ARNOLDUM LANGERAK,

THE UNIVERSITY OF CHICAGO  
723 SOUTH EAST ASIAN LIBRARY

723 SOUTH EAST ASIAN LIBRARY  
UNIVERSITY OF CHICAGO

UNIVERSITY OF CHICAGO  
723 SOUTH EAST ASIAN LIBRARY

UNIVERSITY OF CHICAGO  
723 SOUTH EAST ASIAN LIBRARY

UNIVERSITY OF CHICAGO  
723 SOUTH EAST ASIAN LIBRARY

UNIVERSITY OF CHICAGO  
723 SOUTH EAST ASIAN LIBRARY

UNIVERSITY OF CHICAGO  
723 SOUTH EAST ASIAN LIBRARY

UNIVERSITY OF CHICAGO  
723 SOUTH EAST ASIAN LIBRARY

UNIVERSITY OF CHICAGO  
723 SOUTH EAST ASIAN LIBRARY

UNIVERSITY OF CHICAGO  
723 SOUTH EAST ASIAN LIBRARY



ILLUSTRISSIMO ET AMPLISSIMO

V I R O

D. D. LUCCÆ CHIRICO,

PRO SERENISSIMA RAGUSÆORUM

REPUBLICA

APUD AULAM OTTOMANICAM

CONSULI

INCLYTÆQUE NATIONIS BRITTANICÆ

PRIMO INTERPRETI

COGNATO ET TUTORI SUO DILECTISSIMO

*Hanc dissertationem, in amoris,  
reverentiæ, & gratianimi tes-  
seram, sacram facit*

ANTONIUS LE DUC,  
AUTHOR.

INSTITUTIONE ET AMPLISSIMO

N. R. O.

D. D. LUCCE CHIRICO

PRO SERENISSIMA MAGNIFICENTIA

ETHIOPIA

ALPH. ALPH. OTTOMANICA

CONSUL

INSTITUTIONE MAGNIFICENTIA

ETHIOPIA

ALPH. ALPH. OTTOMANICA

ALPH. ALPH. OTTOMANICA  
ETHIOPIA  
CONSUL

ALPH. ALPH. OTTOMANICA  
ETHIOPIA





DISSERTATIO MEDICA  
 INAUGURALIS  
 DE  
 BYZANTINA VARIOLARUM  
 INSITIONE.

§. 1.



ariolas, ex singulari quâdam aëreæ Atmosphæræ diathesi, tamquàm ex causâ, primùm natâs, communicato tum suo aliis corporibus contagio, longè sese latè-que inter homines diffundere, notius est, quàm ut pluribus exponam. Quàm foedo etiàm horribilium symptomatum apparatu stipatæ incedant, quot-que crudeles passim strages exerceant, nimis certè aliquandò frequens, tristisque experientia docet.

A

§. 2.



§. 2. Hominem autem omnem, solum, & semel illis affici Thòmas Willisius asservit; rarum, & inusitatum naturæ prædicans eventum, si vel numquam vel ~~semel~~ <sup>sepe</sup> in eadem quispiam inciderit. Clarus itidem Diemerbroek non modò solis hominibus, sed ferè omnibus adeò communes voluit variolas, ut paucos mori dicat, qui vivi ab iis aliquando non tentati fuerint. Princeps fanè Practicorum & Observatorum fidissimus Sydenham hoc ipsum testatur, cum Variolas nemini parcere affirmet, cujuscunque demum ætatis is fuerit, nisi priùs hoc morbo laboraverit, non excipiens tamen illos, quos adulterinum variolarum genus, ad hunc morbum nihil attinentium, prius obsederit.

§. 3. Etsi verò nulla tantorum virorum, circa fatalem hanc ( ut ita dicam ) hominibus necessitatem, qua omnes ferè variolis semel ægrotare coguntur, monumenta extarent; integræ tamen Gentes, inevitabilem quasi hanc ipsis competere sortem, fatis, & ultrò comprobarent: raros enim inter Europæos inveneris, qui aliquandò dirum illum affectum se passos denegent, rariores verò longè, qui plus semel Variolis laboraverint.

§. 4. Salutis hinc communis interesse videtur, ut apta huic morbo extirpando auxilia inveniat conservatrix illa Humanæ incolumitatis, artium omnium, prout hodiè exculta habetur, amoenissima, Medicina.

§. 5. Si tempora spectes à quibus inter homines variolas grassari extra omne dubium ponitur, sique aucthores qui de iisdem commentati sunt, recenseri audias, certum te dices hæc ( §. 4. ) quidem efficacissima haberi, quæque sævissimi morbi non tantum progressum, sed



sed & ortum inhibeant: hos tamen si lubet, & vacat perlege: miraberis fanè non aliam Recentiores, quàm vetustissimos in curatione ejus methodum adhibuisse: omnem quippè conatum, omne artis auxilium in hoc unum semper intenderunt, ut variolas ad suppurationem deducerent: magnum se quid præstasse, ægrumque è faucibus orci eripuisse rati, si quas sibi Natura, dum internum hostem profligare conatur, injurias infert, ipsi suis remediis sæpissimè accelerent.

§. 6. Quàm anceps verò sit & dubius, methodi hujus eventus, in Malignioribus præsertim variolis, vel indè patet, quod non æquè semper naturæ vires pro lubitu moderari medicus queat: sæpè enim furentis nimium impetum irritus per antiphlogistica compescere tentabis: sæpe languentem nimis in cassum per stimulantia excitare conaberis: ægerque interim vitam cum morte commutat, Naturà nimirum, dum maximè intenditur, seipsam perimente; vel eadem nimis inermi hosti suo cedere coactâ.

§. 7. Sed dabo lubens, Medicum ferventis, irritatæque vitæ furorem sic cohibuisse, ut feliciter ad suppurationem deducta sint, corpus totum foedantia, exanthemata. Ideòne tamen ægrum periculo vacare, optatoque portu securitatis confidere credes? Quantum herclè à vero distas? Ipsum blandientis sanitatis inditium; illæ, quas tanto conamine excitasti pustulæ, tristiores longè mox secum trahent malorum cateruam. Vix enim purulentâ materie distentæ aliquamdiu cutem obsedere, quin necessariam corpori Perspirationem impediant. Sed quæ pessima non hinc oriuntur Symptomata? Nova statim, sed sævissimæ indolis mox accendetur Febris, quæ humores à prægresso fervore febrili jam ultra labefacta-



tos, iteratâ hâc exagitatione pessundat. Sæpè etiam purulenta materies à bibulis extremarum venarum oculis absorpta, & circuitui humorum de novo comissa prout in hanc vel illam partem à vi vitæ transfertur, varios semper, sed noxios valdè morbos creat. Si ad illam, quæ propria animæ sedes dicitur, quæque revera Functionum Animalium vera est scaturigo, si ad Cerebrum, inquam, determinetur, delirantem ilicò, mox & furentem spectabis ægrum: quo quidem casu quid de vita sperandum? si Pulmones, Pneumaticum illud respirationis organum, eadem materia obsederit, impeditum iri mox vitalem humorum fluxum, proximùmque ultimum diem ægro, si causarum vitæ sis peritus, facilè prædices. Prohibet, quam mihi in hac dissertatione proposui, brevitatis, ne omnes effectus ex illo pure, prout ad varia loca fertur oriundos, singulatim prosequar: liquido tamen innotescunt iis, qui cujuslibet partis munus edocti, dictam causam illi applicandam concipient.

§. 8. Hæc (§. 5. ad 8.) quidem acri suo ingenio perpendens, Celeberrimus Hermanus Boerhave (splendidissimum & præcipuum hujus Academiae lumen, Præceptor omni reverentia colendus) aliam medicis, quàm in variolis sequi deberent, viam indicavit. Castam ille severamque Sapientiam professus, eam tantùm in morborum curatione, Methodum sectatur, quæ in causarum ablatione consistit. Id ipsum ille in variolistentandum suadet, quæ cum à miasmate venenato (§. 1.) excitentur, si quidem huic oppositum inveniretur, in ipsis incunabulis pessimus ille morbus extingueretur. Hoc verò aliquandò inventum iri solidissimis comprobabat.



bat argumentis. Utinam ipse tanto frui posset otio, ut in illud indagaret: quemadmodum nunc Rempublicam Medicam, sic tum omne genus humanum sibi devinceret.

§. 9. Cum tamen nondum detur nobis tam felicibus esse, ut susceptum corpore venenum per antidotum enervare queamus, id saltem ex ejusdem Clarissimi Viri monitu, ad minimam variolosi contagii suspensionem est enittendum, ut id in effectu suo iners reddatur: Quò sanè spectat universalis illa antiphlogistica Methodus quam in suis Aphorismis proposuit (§ 1393. 4. 5.) idem laudatus, nec sine veneratione unquam nominandus author. Hinc etenim noxium illud miasma dissipari posset: omniaque indè oriunda mala præcaveri.

§. 10. Felicissimo cum successu plures sic curasse, fide omni dignissimus ipse testatur. Sed talem reverà requiri in variolarum primo statu methodum, accurata hujus morbi contemplatio indicat. Neque enim aliud exhibet, perfecta ejus in dicto statu idea, quàm liquidorum velocitatem auctam à stimulo inflammatorio. Quis verò medicorum, in morbo, quem Inflammatorium agnoscit resolutionis viam negligens, suppurationem tentabit? Nemo unquam in Pleuritide v. g. id cogitabit. Quidni igitur idem in variolis fiat? Venenum Variolosum ex se ipso nullam (prout sensibus indicare possumus) vel solidis vel fluidis inferre labem, nisi à vita ipsa actuosum fiat, alibi proponam (§ 37) Hinc ubi per dictam methodum illam penitus labefactaveris, spes est, vel iners reddi venenum, vel cum eductis humoribus expelli. Bella saltem quæ movisset vita impedies, simulque tristem malorum faciem præcavebis. Solis autem ra-



tiociniis certam hanc methodum non initti, verum experimentis etiam confirmari, præter Celeberrimi dicti Viri testimonia, fidem quoque faciunt casus interdum observati, ubi Medicus ægrum variolis laborare nescius, hancce adhibuit methodum, illumque incolumem pristinae sanitati restituit.

§. 11. Sed altas nimis in medicorum mentibus radices egisse videtur præconcepta semel, de antiqua in curandis Variolis methodo, opinio, quàm ut tam facile evelli queat; deplorando sanè humanæ infirmitatis argumento, cum deteriora sæpius, dummodo veterum auctoritate fundata sequi malint homines, quàm nova licet rationi & experientiæ congrua.

§. 12. Cum igitur nondum ad debellandum Variolosum contagium certum detur Antidotum; prisca verò suppurationis via periculo sit ut plurimum plena, & nova Clar. Professore Boerhave indicata methodus tam felicibus haud æque undique firmetur successibus, ut à prudentissimis medicis recepta sit, & in usum revocata; non incongruum fore duxi, si Infititiam Variolarum Prophylaxim paucis verbis hic proponerem, ut si Variolas multis effugere non liceat, illas saltem sine discrimine contrahant.

§. 13. Hujus tota virtus in eo est, ut instillato vulnuscule quibusdam inflictis varioloso pure, variolas excitet in iis qui nunquam antea illis laboraverant. Multi operationem illam Transplantationem vocant, alii Inoculationem, plurimi Infititionem, Græci verò hodierni φηλιασμα appellant, vocibus nimirum metaphoricè acceptis. Quæcunque ad hanc methodum, prout Byzantii exercetur, proprio experimento per-



pertinere novi, candido animo, & brevi sermone exponam; ut nulla vel minima circumstantia neglecta, æque utilis aliis etiam evadat, ac mihi olim profuit. Antequam tamen id peragam, pauca circa Locum ubi primùm Inoculatio celebrata fuit, differere fert animus.

## INSITIONIS HISTORIA.

§. 14. **F**erunt nonnulli, Asiaticis quibusdam Gentibus, ut Circassis & Georgianis, à vetustissimis etiam temporibus usitatam fuisse hanc operationem, quod ut negare non auserim, utpotè qui numquam Regionem illam perlustraverim, sic certus affirmare possum Thessaliæ toti vulgarem illam hoc tempore esse. Thessala reverrà mulier Religioni Græcæ addicta, è patria Byzantium profuga, prima ejus in Amplissima urbe experimenta cœpit. Vafra quidem illa & astuta, ut ignaris hominibus magis artem suam commendaret, arcanum hoc summum, nulloque pretio persolvendum, licet in patria sua commune, sibi tantum à B. Virginis Fano revelatum prædicabat; utque fidem dictis adderet, numquam nisi cruciatim vulnuscule, (quæ mox infligenda dicam) excitabat: verba quædam etiam submissâ voce in speciem Religionis (quasi propitium sibi Revelatricis numen invocaret) inter operandum insusurrabat: cereos insuper binos seriò semper à singulis, quibus variolas inoculaverat, expetebat; asserens se illos in patriam mittere, ut ante aram Virginis arderent: sed hæc sanè non nisi apud ignaros, pondus habebant.

hinc



Hinc utcunque illa mysterium suum in initio prædicaret, seque Divino numine afflatam diceret, rarò quidem, nec nisi inter vulgares homines artem suam exercere potuit: diu quoque sic tecta, & inter humiles duntaxat serpendo progressa foret, nisi lethaliter anno quodam grassantibus Epidemicis variolis, à nobilioribus etiam quibusdam Græcis, ut in filiis suis operationem tentaret, vocata fuisset: felicem enim in illustri exemplo mirati eventum, unanimi ferè consilio Græci omnes inoculationem in usum revocarunt. Armeni etiam, (quorum ingens est numerus in vastissima urbe) felicitate successus excitati, id ipsum fecere; tandemque & Europæi omnes (qui Franci communi voce appellantur,) ad idem consilium adducti sunt: sic ut à plurimis annis passim & ubique apud omnes Christianos Byzantii degentes, sine ullâ formidine, & fausto semper cum eventu inoculatio exerceatur. Omnes autem hi mulierem dictam ut inoculationem institueret, adhibebant, & ab illa etiam in me celebrata est: hinc methodum ejus, & cautelas, quas observabat, aperiam.

## VARIOLAS INOCULANDI METHODUS.

§. 15. **Q**uicunque variolas vult sibi per inoculationem excitare, ille quo tempore id peragat, attentus animadvertat: non enim omne Græcæ illi operatrici in Byzantino clymate aptum adhanc instituen-  
dam



dam judicabatur tempus: sed hyeme tantum nec non autumnino interdum illam exercebat. Cur autem non æque Vernalis tempestas conduceret, nulla quidem ratio indicat; ejus quippè placida temperies benigniores excitatura videretur variolas; in hâc re tamen potius experimentis acquiescendum crediderim, quam vitam alicujus in discrimen jacere. Æstas perniciosissima illi habebatur, quod non mirum erit ei, qui variolas populariter grassantes illo anni tempore foevissimas, & maxime periculosas esse ex praxi novit.

§. 16. Utcunque alii velint mulierem illam nullo habito discrimine operationem suam celebrasse in utroque sexu, & variæ ætatis, ac Temperiei hominibus; illam tamen subjectum in quo inoculatio instituenda erat, accuratè distinxisse pro comperto affirmare possum. Quod ad sexum non adeò ingentem admittebat differentiam; viris tantum (ubi coetera fuerint paria) strictiorem diætam præscribebat. Ætatem verò adeò considerabat, ut infantibus duntaxat, & pueris excitaret per artem suam variolas: in adultis nonnisi coactam se id prestare dicens: per multiplicem edocta experientiam hos longè pejoribus conflictari symptomatibus; nemo quamvis & ex illis per inoculationem sit mortuus. Nec minus se cautam circà varia hominum Temperamenta gerebat. Robustis, calidis, & Plethoricis rarò nec sine timore insitionem instituebat, hâcque semper cum regula, ut qui repletioris essent habitus, corpus antea evacuant; qui fortioris compagis, hanc prius debilitarent; qui calidi nimis, ii per diluentia & laxantia moderatam acquirerent temperiem. Cacochymicos verò, & eos qui aliis morbis detinebantur, aggrediebatur sponte num-

B

quam,



quam, pulchre fanè monens, eos prius à suis morbis curandos, quam ut de novo acquirendo sint solliciti.

§. 17. Si unquam ulla, hic certè summa rerum non naturalium habenda ratio; in victu præsertim strictissimum observandum est regimen. Solebat Græca mulier non tantum peractâ jam operatione, sed pluribus antè illam diebus omnem carnis cujuscunque usum rigorosissimè vetare, quodque mirum in hisce regionibus videbitur, jusculum etiam ejus, utcunque tenue, numquam inoculatis concedebat; cujus quidem rei causa est, quod omni tempore non à medicis tantum, sed ab idiotis observatum sit ibidem, omnium rerum putrescentium usum noxium valdè esse in omni calido morbo; vel & in illis periodicis Febribus, quæ ab alcali ortum habent: constat fanè vulgari experienciâ, neminem qui jam per 40 dies sit liber à tertiana ovum unum comedere, quin in tertianam iterum incidat. Levia hinc illa dabat decocta ex farinaceis pro cibo, & leguminosas herbas. Pro potu tenues ex hordeo ptisanas, Vini verò & omnium spirituosorum haustum ut lethalem prohibebat. Hæc diæta utcunque austera nimis, inoculatis tamen religiosè servanda est, tristissima enim aliquando neglectæ hujus regulæ visa sunt exempla.

§. 18. Quod ad aerem spectat, talem illa ægris suis concedebat, qualem ex præjudicio omnes in variolis requiri contendunt, calidum scilicet, quem variolarum eruptionem promovere putant. Fenestras hinc omnes non tantum, & janua, sed minimas quasque rimulas tam accuratè claudendas curabat, ut nullus aeri novo in cubiculum (per ignem satis antea calefactum) accessus.



cessus daretur. In tali verò hypocausto quietam vitam degere ægrum jubet à primà inoculationis die ad quadragessimam usquè, nullum ante id tempus ex eo permit- tens discessum. Hanc ipse methodum à sanâ ratione multum aberrantem, tantum abest ut approbem, quin quin potius, ut perniciosam, multorumque malorum causam damnare, (ex monitu Celeb. Boerhavii) con- suevi. Aer etenim ille ita tum calefactus, in eodem semper loco detentus, rarescens hinc, & variolosi cor- poris exhalationibus prægnans, quid boni, precor, præ- stare posset? an non potius hinc suffocatio timenda esset? vel & pejor malorum series ex morbosa, & cor- ruptâ atmospherâ? Sed si calorem tam necessarium ad promovendas variolas credant, cur calidâ æstatis tem- pestate, maximè illæ sunt periculosæ? si verò prop- ter calorem noxiam æstivam temperiem variolosis ag- noscant, cur eundem calorem in media hyeme ægris illis adhibent? Meritò sanè hinc suspicandi locus non aliam ob causam, pejùs aliquandò se habere eos, qui cæte- rum ex temperamento, ætate, & reliquis requisi- tis, ut placidè variolas contrahant, dispositi viden- tur.

Audivi esse qui velint ægrum statim lecto damna- ri: id nemo Byzantii se vidisse dicat: ipse non antè quartum diem, quo ægrotare cœpi, me lecto compo- fui; eumque deservi quamprimum maturescentibus pu- stulis nullo jam malo detinebar.

§. 19. His ita prædispositis optima & idonea ad ino- culendas variolas materia inveniri debet. Sumitur illa ex pure Variolarum: & in eà eligendâ hæc dicta mu- lier cautelas adhibebat. (a) Pus illud non ex quocun-



que varioloso, sed ex eo duntaxat qui variolis populariter grassantibus correptus sit, elici debet (b) Æger, ex quo pus illud sumitur, Variolis quas distinctas appellant, non confluentibus, laboret, opus est (c) Curandum semper, si quidem fieri posset, ut æger ille non adoleverit. (d) Observandum etiam an ipse æger alio quodam morbo laboret, quibusve crucietur malis, cum variolis ægrotat; si graviora quippe vexarent illum symptomata, numquam inde excipiendus variolosus fomes. (e) Variolæ, ex quibus pus eliciendum, jam ad maturitatem, seu supurationem conversas esse, oportet.

Ut autem pus illud sibi compararet Græca operatrix, acu ferrea, vel argenteâ vulgaris formæ, apicem variolæ binis prioribus digitis comprehensæ, pertundebat, leviterque pustulam comprimendo expressum contentum pus in subiectum vasculum instillabat. Solebat verò eas tantum variolas sic pertundere quæ extrema quatuor corporis occuparent. Vasculum tum benè tectum operculo quodam, & sinu suo forum secum gerens ad eum cui insitionem institutura erat, quam citissimè properabat, curans nimirum, ne per interpositam moram materies illa iners reddita, minus quoque operationi idonea fieret, hinc numquam ultra 12. ~~die~~ illam servare solebat.

*horas*

§. 20. Illi jam præfens operatrix, paucas, ut dixi (§. 14.) preces fundit: tum acu ferreâ octo vulnuscula totidem corporis partibus successivè infligebat. Primum quidem summæ fronti ad viciniam capillorum, eò præcisè loci qui utraque ejus extrema æqualiter interjacet: alterum mento, bina ad utramque genam illi earundem parti quæ zygomati proxima est. Totidem etiam quatuor extremis inurebat vulnura, superiori-

bus



bus nimirum, bina propè metacarpum, & duo pariter infimis non procul à metatarso. Hæc vero hoc ordine semper excitabat, ut in facie crucis effigiem, in artubus Redemptoris plagas referrent, hoc sibi etiam injunctum in revelatione contendens, quasi sanè ex tali vulnuscultorum dispositione, non verò à causis aliis physicis successus insitionis penderet. Mihi sex tantum loca pertundenda curavi, nullam pedibus inferri passus læsionem, sed non ideo minus feliciter variolas contraxi.

In inferendis hisce vulneribus, acum, parti in situ plano spectatæ sic adigebat, ut obliquè, non verò ad normam in eam penetraret, tum acum ipsam sursum elevans imposita integumenta vi facta lacerabat, eamque hærentem adhuc cruentæ plagæ in gyrum circumrotabat, ut major continui solutio fieret.

Mirum sanè Doctos alias viros, qui de Inoculatione scripsere, dixisse: in musculis potius, quàm in carnosiss locis excitanda esse hæcce vulnuscula: quid enim per carnosas partes intelligant, cum à musculis illas distinguunt, me nescire fateor; non aliam enim Recentioribus anatomicis carnis nomine indigitari substantiam præter muscularem in confesso est apud omnes. Hinc male quoque se expresisse videtur, qui carnosiora pungi vult loca: quippe numquam tam altè penetrat acus ut musculos tangat, præsertim si ad mentum & ad brachia fiat operatio; solà enim cutis cum pinguedine, & cuticula vulneratur: hinc illos voluisse crediderim, vulnera illa instituenda esse ubi crassior est panniculus adiposus: quod reverà egregium monitum est, ne vas quoddam, aut tendo in pertusione lædatur.

§. 21. Dolor vix ullus in hac operatione sentitur,



si quidem ex me de aliis judicare liceat: nec mirum fanè, cum tam parva læsio tam celeriter parti non nimis nervosæ inferatur. Sanguis statim ad guttas aliquas effluit, sed mox spontè suâ sistitur, extremis nimirum & minimis tantùm vasculis leviter læsis.

§. 22. Tum fomitem variolosum (detecto vasculo, quo continebatur,) eadem illâ acu, qua vulnera excitaverat in pertusa loca instillat, intrusamque materiem eodem instrumento in ipso vulnere quàm accuratè commovebat; ut per omnem vulneris ambitum, secretosque ejus recessus materia sese insinuaret: hujus verò non nisi una vel altera guttula ad quodlibet vulnusculum intruditur. Quo in singulis vulneribus peracto, hæc vasculo quodam concavo, operiebat: adultis, in illis tantùm partibus quas vestes tegunt, ne scilicet ab illarum attritu materies averreretur: junioribus verò ubique, ne manibus pertusa loca scalperent, fomitemque dissiparent; tumque superinductâ fasciâ partes ligabat. Mihi tantùm manus hoc apparatu ornatae fuere: qui tollitur ubi pus instillatum jam exsiccatum in vulnere apparet.

§. 23. En simplicissimam methodum, quâ mulier illa utens fausto semper eventu in millenis hominibus Byzantii variolas excitabat: in qua describenda cum ne vel minimam circumstantiam mihi notam omiserim, tædiosus fortè quibusdam videbor, qui ex minimis maximos sæpè pendere successus, ignorant. Id ipse eo animo feci, ut si aliquandò apud alias gentes eadem in usum revocanda foret, ex cognitis omnibus hisce cautelis, agendi etiàm regulas juxtà Regionis diversitatem sibi construerent. Notus est Byzantii Medicus, qui hanc operationem celebraturus, præscriptas in victu,  
&



& cæteris regulas negligendas prædicans, pessimè sibi institutam in quibusdam insitionem cessisse, acerrimè doluit.

§. 24. Hisce jam positis circà operationem, videntum nunc paucis, quo tempore, quibusve cum symptomatibus variolas fuscitet insertum per insitionem intrà corpus variolosum venenum.

## TEMPUS ERUPTIONIS IN INSITITIIS VARIOLIS.

§. 25. **N**on unam omnibus, sed variam diversis hominibus contingere naturam, norunt omnes, qui vel mirabiles in facie hominum occurrentes varietates attenti notarunt. Quælibet enim pars faciei similis licet dicatur alteri parti alterius hominis, numquam tamen perfectè illi respondet: unde & harum omnium partium aggregatum totum quoddam efficit, vultum scilicet, qui etsi aliis similis appareat, in multis tamen ab iisdem differt. Quod autem in externis oculus ipse videt, id sanè in internis longè magis obtinere Medicina demonstrat: solidis equidem & fluidis omnes constamus, immensum tamen aliquandò unius hominis solidorum compages ab alio distat. Hinc tamen est, quod eadem corpora in iisdem licet circumstantiis à binis hominibus assumpta, rarò intrà idem tempus effectus suos edant: variis scilicet potentiis variè in idem objectum agentibus. Binos spectà Bacchi sacra celebrantes, unus citius altero temulentus evadet. Id ipsum revera patet in iis quibus excitatæ sunt per inocu-



culacionem variolæ; una enim licet omnibus adhibita mēthodus fuerit, non eodem tamen tempore omnibus erumpunt. His etenim ipsâ primâ die, aliis secunda, tertiâ aliis, quartâ, quintâ, sextâ, vel & aliis septimâ efflorescunt: hâc tamen semper sub distinctione, ut quibus citius apparent, illis etiam sint peiores; quibus ferius, illis mitiores: hinc quæ septimâ tantum die emergunt omnium sunt mitissimæ. Quibusdam nullæ novæ exfurgunt variolæ, sed sola insitionis loca in exanthemata abeunt; qui tamen nunquam variolis epidemicè grassantibus correpti fuere. Semel accidisse fertur, ut ex communicato per inoculationem contagio nullæ apparuerint variolæ; merito tamen credidere quidam, quod cum esset infans, qui passus erat operationem, materiæ insertionem impediverit. Hic postea variolis epidemicis laboravit; sed notandum, inflicta etiam ipsi vulnuscula immutata mansisse, nec abiisse in pustulas.

Mihi quarto die apparuerunt variolæ.

Videnda nunc sunt quæ in insititiis variolis occurrunt,

## SYMPTOMATA

§. 26. Prout discrepant eruptionis tempora, sic quoque differunt quæ in diversis hominibus ex Insititiis variolis symptomata profluunt; longe tamen mitiora sunt omnibus, quam in epidemicis variolis. Prosequar verò illa juxta integrum morbi decursum.

In primo morbi statu, cum nimirum recenter susce-



sceptum contagium naturam irritat, aliquis subindè horror & rigor corripit corpus: mox humorum circum euntium, sequitur turba auctaque velocitas, sed rarò nimia, aut violenta. Dolor quidem ut plurimum occupat caput, sed levis: rarò sese per reliquas partes extendens. Ille autem dolor qui circa scrobiculum cordis in vulgaribus variolis sentitur, quique fere Pathognomicum est variolarum signum, numquam in Insititiis observatur. Molestum etiam illud, ægrosque adeò vexans symptoma, Anxietas scilicet, (imminentis ut ita dicam mortis sensus, ab auctâ cordi resistentiâ) numquam fere ægros inoculatos affligit. Paucissimi (nullos dixerim) nauseam patiuntur, & vomitum. Epilepticos insultus infantibus accessisse hætenus nemo vidit.

Me quidem ad tertii diei initium levis capitis dolor corripuit, mox febris accensa est: noctu leviter deliravi, quarto verò apparentibus pustulis optimè habui.

Egregiè autem notatum video in Epistola Dn. Emanuelis Timoni ad Nobilissimum, & Doctissimum Dn. Woodward, anno quodam cum immaniter grassarentur Byzantii confluentes ex Epidemia Variolæ, eos etiam qui inoculationem passi erant, gravioribus affectos fuisse malis: cujus rei nullam licet rationem addat, id tamen à deteriori contagio necessario ab illis Variolis suscipiendo fluxisse satis evidens apparet. Contagii enim indoles prout mitis, vel acerba est, variè sanè agit.

Notatu etiàm maximè dignum est, omnes illos, qui pleni erant habitus, vel quorum compages valida est, vel & qui calido temperamento præditi erant, longè plus & pluribus cum symptomatibus hoc morbi decur-



su ægrotavisse. Id reverà mihi constitit in Puella nobili per affinitatem mihi conjuncta, quæ 17. ætatis suæ anno ubi ultimum incrementi punctum attigerat, hincque primam collegerat Flethoram, timens ne grassantibus corriperetur Variolis, inoculationem sibi instituendam curavit: gravissimè illa laboravit, cum ingenti Febri, atque delirio: summò quoque capitis dolore torquebatur.

§. 27. Absoluto hoc morbi statu quem contagii jure optimo vocat Celeberrimus Prof. Boerhave, parva hinc & inde apparent rubicantia quædam puncta, quæ sensim augentur, tument, & Variolæ fiunt: Hæ ut plurimum benignissimi sunt genii: spectantur enim magnæ, à se invicem distantes, numero ut plurimum paucæ: quibusdam decem, viginti aliis, aliis 30 contingunt, raro 100 rarissimè ad 200 accedunt. Mihi tantum sexdecim erupere: binæ ad faciem, reliquæ per pectus & dorsum dispersæ. In dicta verò Domicella tanto quidem erant numero, ut corpus ferè totum integrè foedarent.

In hoc morbi statu, qui Inflammatorius eodem auctore dicitur, nulla ferè sunt, iis qui variolas tam paucas, & mites habent, symptomata: utpote quæ in epidemicis variolis ab inflammatione generali cutis, impeditisque hinc circulatione, & Perspiratione pendent: In insititiis nulla cutem obsidet talis inflammatio, hinc nec nova sequi potest malorum syndrome.

Si verò & in Insititiis Variolis tam numerosa corpus occupent exanthemata, eadem ferè spectantur & in his symptomata, ac in confluentibus, cum similes causæ similem semper producant effectum: mitiora tamen  
illa



illa sunt in Infititiis, quia variolosum virus mitius est illis.

Nobilis illa puella quæ tam copiosas ex Infitione variolas habuerat, pessimè se hoc in statu habuit: Febri enim iterum summâ, delirio, anxietate, & similibus symptomatibus correpta fuit.

Ipsè, cum tam paucis pustulis ornarer, nihil horum passus sum.

§. 28. Infititiæ Variolæ felicissimè ad suppurationem deducuntur; sæpè etiam per resolutionem quasi disparent, quod duntaxat accidit iis, quæ mitissimi sunt genii. Ubi suppurantur candidæ primò apparent, mox sensim flavescent, & exsiccata tandem non in lemas coriaceas, nec in densas crustas abeunt, sed sub levis squamulæ forma excidunt.

Tempus quo suppuratio peragitur differt pro ratione primarum peryodûm: sed lentissimè ferè semper ubi mitissimæ sunt variolæ. Exsiccationis tempus pari ratione differt.

Hic etiam si paucae sint & mitiores variolæ, absunt omnia illa symptomata quæ in tertio hoc statu in Epidemicis apparent. Nec mirum, cum nullum ferè pus, nullæ crustæ ambitum corporis obsideant. In numerosis tamen variolis plerumque & illa sequuntur, ut contigit dictæ puellæ.

§. 29. Materia, quam pustulæ illæ infititiæ continent verum perfectumque pus refert: blanda enim, non acris, alba, spissa, cocta, & æquabilis est; sic ut mirari subeat materiem illam saniei similem dici quibusdam. Hanc utcunque optimis hisce dotibus præditam numquam ad infitionem mulier illa adhibet: an



jure, nescio; magis fanè videtur idonea insitioni, quam quæ à vulgaribus variolis sumitur.

§. 30. Deciduis variolarum squamulis nulla remanent stigmata vel foveæ; sed plana, & æqualis spectatur cutis, quam pustulæ obsederant: rubet tamen ut plurimum per diem unum vel alterum. Summum reverà hoc est sequiori sexui beneficium; Formam enim suam hinc non læsum iri certò scire possunt.

§. 31. Pertusa in Insitione loca solent ut plurimum eadem apparitione qua variolæ in pustulas abire: aliquando statim exsiccantur, variolis tamen per reliquum corpus erumpentibus: sic vulnusculum quod mento mihi inflictum fuerat, arefactum est. Accidit interdum sola insitionis loca tumere, inflammari, & in variolas mutari, nullo alio surgente exanthemate, sæpe inoculationis loca in magna aposthemata excrescunt, quæ ingentem puris copiam effundunt, diuque etiam disparentibus variolis perdurant: nonnumquam etià inflammantur, tument, & acutos dolores creant: quæ omnia vel ab acu, acri quodam afflatû, vel à contagio diriori in parte hærente: vel à loco pertusionis, ut si nervis & tendinibus intertextus; vel à modo vulnerandi accidisse reor. Hinc etiam sæpius hæc mala ad pedes spectantur.

Ex vulneribus faciei meæ adactis tria in pustulas conversa sunt: fronti verò inustum omnium fuit maximum, hinc & stigma reliquit hodie quoque spectandum.

§. 32. Ubi jam exsiccatae pustulæ exciderunt, integra fruitur salute æger, estque liber à timore variolas contrahendi.

Hæc autem sunt omnia illa (§. 26. ad §. 31.) symptomata quæ hætenus observata sunt in Insititiis variolis



lis occurrere; quæ si conferas cum iis quæ in vulgari-  
bus spectantur, levissima merito judicabis. Felicissimè au-  
tem semper exculta fuit hæc methodus Byzantii jam antè  
40 annos. Eodem illo quo insitionem passus sum anno  
(1713.) sex millia hominum se inoculasse dicta mulier re-  
tulit; nulli tamen eorum funesti quid accidit, sed omnes à  
sic contractis variolis feliciter evasere. Narrat D. Timo-  
nius invaluisse semel rumorem binos infantes ex insitio-  
ne occubuisse, sed examine factò illos plurimis aliis mor-  
bis ægrotasse deprehendit.

§. 33. Nemo hætenus, qui variolas per inoculatio-  
nem contraxit, iisdem amplius laboravit, & si epidemi-  
cè grassarentur: idque non unius, sed 40. annorum  
experientia Constantinopoli confirmat; sed quod mirum  
est, ii quoque qui duntaxat unam variolam ex insitio-  
ne, vel sola pertusionis loca in pustulas mutata, ha-  
buere numquàm hoc morbo amplius affecti sunt. In  
me (qui 16. tantum pustulas acquisiveram) jam antè  
9. annos inoculatio exercita fuit: ab eo tempore sæ-  
pius amicos variolis affectos invisi, & nondum illas de  
novo contraxi.

§. 34. Dignum fanè, qui memoretur, casum judico  
puellæ cujusdam, cui prudens mater inoculandas vario-  
las curaverat: illa unicum duntaxat pertusionis locum  
tumidum, inflammatum, & variolosum habuit; cœterum  
nullam sentiit ægritudinem. Timuerat mater effectu suo  
vacuam in illa fuisse insitionem, hinc operationem ite-  
rari post annum jussit, sed nulla tum etiam apparuit  
pustula, & loca pertusionis ilico exsiccata sunt, neque  
in Variolas abiire. Licet illa jam a tot annis variolosas  
conveniat, nondum variolis correpta est.



§. 35. Celebrata etiam fuit infitio in hominibus, qui olim epidemicè grassantibus variolis laboraverant, sed pari cum successu ac (§. 34.) nullæ enim repullularunt Variolæ: certo sanè argumento naturam varioloso veneno semel assuetam, non amplius ab eo male affici. Hisce verò positis circa Historiam, Methodum, symptomata, & eventum infitionis, operæ etiam pretium erit paucis inquirere 1°. in modum quo variolas excitat intrusum intra corpus variolosum contagium 2°. cur hinc benignæ semper & sinè periculo Variolæ prodeant. 3°. tandem cur nulla inurant stigmata.

§. 36. Ut pulchrum & utile rem Physicam certis & indubiis experimentis illustrare; sic turpe & perniciosum recenter observato effectui luxuriantis tantum ratiocinii vi causam assignare. Id tamen passim & ubique præstant, qui Philosophi nomen venditantes, indignum se putant aliquid in rerum natura geri, cujus nequeant rationem dare: si verò quæ proferunt, omni affectu & præjudicio liber, attentè perpendis, à rei veritate aliena, minimè cum naturâ convenire reperiēs: non enim illi omnia quæ in dato effectui spectanda sunt accurate perpendunt, sed unum quid, alteri phœnomeno non absimile arripientes, huic statim eandem causam attribuunt. Id reverà & circa inoculationem contigisse, norunt qui de ea conscriptos tractatus perlegerunt. Videntes illi ex pure varioloso venis inserto, febrim & mox variolas oriri: pus illud Fermento, motum febrilem Fermentationi, & exanthemata despumationi assimilarunt, remque acu se tetigisse putant. Ridebit hos sanè qui ex Chemicis novit Fermentationem numquam nisi quibusdam Vegetabilibus contingere, ejusque effectum semper esse  
vel



vel spiritum inflammabilem, vel liquorem acidum: hinc diutius non immorabor in hac confutandâ sententia. Eiusdem farinæ sunt quæ alii de Effervescentia, ebullitione, & mutata figura globulorum sanguinis protulere. Ipse autem contagium variolosum non aliter quam ratione stimuli fortè agere exindè suspicor, quod ipsum solidis partibus applicatum nullam illis labem imprimat: mistum verò sanguini, ut experimento facto patuit, nullam in sanguine mutationem creat quatenus perspicacissimi oculi observarunt.

§. 37. Ut verò pateat cur variolæ epidemicæ grassantes sæpè occidant, Infititiæ verò numquam; observandum epidemicas lethales esse vel in primo morbi statu; vel in inflammatorio, & subsequente suppuratorio. Necant in primo, quia acre nimis, acerbum, & pestiferum ferè contagium ingentem nimis excitat febrim, quæ ægrum pessundat; sæpè tamen mors & in eo contingere potest etsi contagium non ita fuerit perniciosum, sed vires vitæ magnæ sint, quæ se ipsas destruunt. In infititiis Variolis mitissimum semper adhibetur contagium: ægri verò ut plurimum juniores sunt, nondum adulti; & si robusti, corpus per diætam & medicamenta ita disposuere ut non magna movere possit bella.

Interimunt communes variolæ in aliis peryodis ubi toto corporis habitu pustulis obfesso Perspiratio inhibetur, circulatio prævertitur, & pus absorbetur: hæc verò in infititiis occurrere nequeunt, cum paucissimæ plerumque sint numero.

§. 38. Nulla tandem inuruntur cuti stigmata; quia materies pustularum, blanda est, non verò acris: sæpè etiâ quia sinè suppuratione disparent, inoculatæ variolæ.

F I N I S.



# ANNEXA.

## I.

*Ut vitales Functiones à cerebello, corde, & pulmone; Sic Animales à cerebro dependent.*

## II.

*Hinc cerebelli Functio est Vitales, Cerebri vero animales secernere spiritus.*

## III.

*Datur tamen & tertium spirituum genus, quod naturalium vocatur.*

## IV.

*Non omnis chyli copia à venis lacteis absorbetur, sed portio ejus quædam à venis meseraicis imbibitur.*

## V.

*Solo attritu non fit prima Digestio.*

## VI.

*Nullum datur in corpore Fermentum, nulla etiam contingit Fermentatio in nobis, si inchoatam in ventriculo exceperis.*